

蜀中廣記

卷一

上

中

下

三

總校官庶吉士臣何思鈞

校對官學正臣陳木

膳錄舉人臣羅允文

欽定四庫全書

蜀中廣記卷七

名勝記第七

川西道

成都府

崇慶州

明
曹學佺
撰

王勃送杜少府之任蜀州詩城闕輔三秦風煙望五津

與君離別意同是宦遊人海内存知己天涯若比鄰無
為在岐路兒女共霑巾宋之問送趙少府之蜀州詩餞
子西南望烟綿劍道微橋寒金雁落林曙碧鷄飛職拜
輿方遠仙成履會歸定知和氏璧遙掩玉輪輝崇慶在
唐稱蜀州也 碑目云天章雲篆碑在蜀州唐開元壽
王清書又云蜀州刺史廳壁記大厯年間作以張柬之
鍾紹京李峴王縉四公皆牧是州故有四相堂唐詩紀
事云貞元十四年皇甫澈刺蜀州時賦四相詩序云居

相位者前後四公謨明弼諧遷轉歷比顧已無取忝跡
於斯景行遺烈嗟歎不足也謹述其行事詠其休美庶
將來君子知聖朝之德云爾 本志云州治判官廨後

池即罨畫池趙抃有蜀倅楊瑜邀遊罨畫池詩占勝芳
菲地標名罨畫池水光菱在鑑岸色錦舒帷風碎花千
動烟團柳四垂巧才吟不盡精筆寫徒為照影搖歌榭
分香上酒卮主人邀客賞和氣與春期 勝覽云文潞
公祠在判官廳蓋公之父在天禧時來作判官令公受

業於晉原大夫張錫之客任君後為立祠 紀勝云西湖在郡圃蓋皂江之水皆導城中環守之居因瀦其餘以為湖也范成大吳船錄云蜀州郡圃內西湖極廣袤荷花正盛覓湖船泛之繫纜修竹古木間景物甚野游宴繁盛為西州勝處陸游劍南詩藁云蜀人謂唐安有三千官柳四十琵琶故詩云歸心日夜逆江流官柳三千憶蜀州致能詩云閒隨渠水來偶到湖光裏仍呼水月舟徑度雲錦地誰云不解飲我已荷香醉湖陰王娟

蟬曼立紅粧外何須東閣梅悠然自興思驚風入午暑
水竹有秋意采菱不盈掬興與蓴鱸會遙知新津宿魂
夢亦清麗 碑目云范公鎮留題在府城之太平院范
遊岷山過此題紀院之經閣上云熙寧八年三月遊青
城間四日趨峨眉俱過此與百世相見百朋百嘉侍行
蜀郡公記 志云西南附郭龍門街是晉原縣治寰宇
記云白馬江自晉原縣入新津縣界即杜甫詩白馬江
寒樹影稀者 碑目云蜀先主碑在晉原縣西南二里

唐房琯文又云唐開元碑天寶八年立在晉原常清觀
鮮于仲通文 周地圖記云晉原西五十六里墓頤山
上有鹿市百步平坦諸山之鹿日一聚於此 寰宇記
云鶴鳴山在晉原縣西八十里絕壁千尋李膺益州記張
道陵登仙之所嘗有白鶴遊其上北與邛州交界又云
臨邛故城俗名公孫述城益州記云蓋李雄據蜀李壽
從狎柯引獠入蜀境自象山以北盡為獠居臨邛舊縣
因茲置也 志云蜀州有東亭杜甫和裴迪登蜀州東

亭送客逢早梅相憶見寄詩東閣官梅動詩興還如何
邈在揚州此時對雪遙相憶送客逢春可自由幸不折
來傷歲暮若為看去亂鄉愁江邊一樹垂垂發朝夕催
人自白頭 志云東三十里江原鎮即漢江原縣治華
陽國志江原縣郡西渡大江濱文井江水經云文井江
亦李冰所導井上有守捉三十里上有天馬祠李膺益
州記寧州有馬元河河邊牧馬產駿駒一日千里至此
斃乏岸南人為立祠於此水經註小亭山有天馬塚是

也 寰宇記云鄱江出楚金一名皂里水自永康軍青城縣百丈水南流入江源界志云皂江逕江原至新津入河昔張道陵投墨于江其水盡黑故名皂江有北橋杜甫詩云望極春城上開筵近鳥巢白花簷外孕青栁檻前梢池水觀為政厨烟覺遠庖西川供望眼唯有此江郊 勝覽云杜工部祠在江原縣邑宰趙抃建昔杜甫依高適寓於此 寰宇記云公孫述女塚在江原縣東一十三里高三丈周迴二十步故老傳云此冢銅作

絞絡五里故亂離發掘莫之陷也 碑目云唐李百藥
碑在江原縣之萬歲寺唐樊知遷碑在江原縣淨居寺
顏師古文今俱殘缺又云唐太平公主出家勅在天慶
觀按魏了翁江原縣天慶觀雲層臺記略云開禧三年
春蜀盜未平江原道士呂元素語其徒曰吾儕小人羣
居族食無益縣官今逆氛若此又不能剗刃賊腹膏首
原野盍姑杜門以需底定乃相與校藏書見其書有為
九層之臺可以為民襁沴祝釐者則用其法而封之名

以雲臺列天地日月星辰岳瀆之象而禱祠焉 宋皇
祐間趙閱道為江原令其二弟揚抗與俱有引流聯句
序云江源縣江繚治廨址而東距三百步瀧湍馳激朝
暮鳴在耳使人聽愛弗倦遂重渠通民田來園亭塔廡
間環迴遶旋溝行沼渟起居觀遊清快心目公暇事休與
弟揚抗坐東軒怡然盤桓共為詩章云別派從江垠邀
流入農畎淙淙來源深灑灑度溝淺園穿蕭艾艾塹斷
荆芝剪疏功決晨流溉利千步遠田觀疑澤潄坎聽類

甌建北溟歸鑿池幽岳漾裝巘瀉堦穀微駛迴濟珠細
轉過寶石眼窺經虛吐口吮流行值落葉浸長浮生蘚
孤鶴眼怪覘纖魚鬣跳展申沉無穢淤底靜有紋堦映
葦色莫分喧琴韻難辨增霖夕聞蛙涵月夜驚犬侵篁
鞭起萌逼水抵垂茵憐黃澆菊籬惜紫沃蘭畹吏治窳
甌甃童戲芒車卷灌攜合手勞漱掬致腰俛庭秋臨加
涼軒夏向消烜我矜近濟能僅賀遙沒免貯肥理巨甌
歸厨架修覓供淘飯盞糧絕澳羹鼎臠調藥修舊餌剪

茶試蘿苒坐客頻泛觴蹲兎屢洗硯聆寒心脫煩挹冷
酒除面閒眺筇步隨靜看髭吟撚高懷造文據清興團
詩遣瑰章非俗成怪句自幽選湧詞波翻瀛綿意緒抽
璽書丹字隸行款碣石磨琬題為引流篇記耳非自銜

新津縣

張天覺以古三墳書得於縣北陽民家墳皆古文傳乃
隸書天覺新津人 范成大新津道中詩雨後郊原淨
村村各好音宿雲浮竹色清溜走榿陰曲沼擎青蓋新

畦藝綠針江天空濶處不受暑光侵予以萬厯庚戌過
此詩云結束為津口分明作秀顏雪峰俱映水天社舊
名山客自荆吳外民其邛蜀間昔賢有佳句磊落動人
寰壬子歲再過此詩云風日何淒緊予行在仲冬平林
烟已盡近郭渡猶重古市沙中火僧樓水際鐘東西雖
不辨彷彿認前峰蓋指修覺山也志云南一里修覺
山神秀禪師結廬於此唐明皇駐蹕為題修覺山三字
寺有左右二井春夏汲東秋冬汲西水則甘冽反之則

否名曰林泉殆靈泉云其下為三江渡因岷江皂水白
馬三江並列而名其上為寶華山橫跨江表俯瞰平川
取物華天寶之義也峰頂多雪又曰雪峰杜甫新津寺
寄王侍郎詩何限倚山木吟詩秋葉黃蟬聲集古寺鳥
影度寒塘風物悲遊子登臨憶侍郎老夫貪佛日隨意
宿僧房又遊修覺寺詩野寺江天豁山扉花竹幽詩應
有神助吾得及春遊徑石相縈帶川雲自去留禪枝宿
衆鳥漂轉暮歸愁又寺憶曾遊處橋憐再渡時江山如